

Minister drs. Marisol Lopez-Tromp ta informa:

Inicio di Construcccion di Centro di Cuido San Nicolas

ORANJESTAD - Ya a inicia construcccion di Centro di Cuido na San Nicolas. E tereno di e proyecto ta keda cerca di Palisia weg. E proyecto aki ta uno hopi importante y cardinal pa futuro desaroyo di San Nicolas y di Aruba. E cuponan disponibel pa nos grandinan drenta den Cas pa nos Grandi na San Nicolas, Maristella, Michael Paviljoen y San Hose de Verona ta limita y un centro nobo ta esencial.

E proyecto di Centro di Cuido San Nicolas ta un proyecto grandi cu ya desde Gabinete Oduber III na aña 2003 Gobierno a cuminsa cu preparacion di e proyecto. Cu e proyecto di Centro di Cuido San Nicolas Gobierno ta cumpli cu su vision pa hisa calidad di bida di tur esnan cu ta biba na Aruba especialmente esnan mas vulnerabel, manera nos ancianonan. Pre-mirando e necesidadnan creciente y urgente relaciona cu e enbehecimento di nos sociedad, Minister drs. Marisol Lopez-Tromp su deseo for di basta tempo ta pa crea

centronan di cuido cu ta forma parti integral di e comunidad. Pues e centro mester por duna servicio tambe na esnan cu mester di ayudo pero cu no ta den e cas di cuido. E servicionan por inclui esnan di pasa dia, alimentacion, cuido personal, y etc.

Cu e rekesitonan aki den mente ya desde 2004 Gobierno y SABA conhuntamente a cera cabes un bon planificacion di e centro di cuido san nicolas. Den cuadro di e bon planificacion Gobierno e tempo ey a pidi asistencia tecnico di e ‘Adviescentrum Zorgvoorzieningen Nederland’ kendenan a manda 4 experto pa traha riba e proyecto.

‘A d v i e s c e n t r u m Zorgvoorzieningen Nederland hunto cu profesionalnan y instancianan local a evalua e mihor forma pa combina e vision di Minister drs. Marisol Lopez-Tromp, e maneho di vivienda pa ancianonan cu e necesidadnan nobo constata den nos sociedad. Di e analisis aki a sali un asina

yama programa di rekesito (‘programma van eisen’) cu a forma e base di diseño di e cas di cuido. Como puntonan di salida a tene cuenta cu integracion den comunidad di esnan vulnerabel, privacidad, dignidad di e persona y necesidadnan special di e grupo di referencia.

Finalmente, Diaranson 11 Februari 2009 a tuma lugar den sala di Consejo di Minister e firmamento di financiamiento di un proyecto pa Fondo Desaroyo Aruba (FDA). E proyecto ta forma parti di e sectorsocial. Manera menciona anteriormente, e centro di Cuido aki lo tin lo mas ultimo pa loke ta material, estilo y structura di un Centro di Cuido segun guia di ‘Adviescentrum Zorgvoorzieningen Nederland’ pero cu adaptacionnan pa necesidadnan di Aruba. E proyecto aki a keda otorga, despues di un destaho publico, na e compania Thiel Corporation N.V. pa un suma total di AWG22.533.015,- E proyecto aki lo keda conclui na Juli 2010.

